

小橋東

解曰遇水逢山佳音歡慶

第九十五

人身難得中土難生假使得生正法難遇

解曰厄難臨身急早告斗大作善福預告

天尊

第九十六

夫婦婚姻事兒女骨內情要令從汝願誦禮

玉樞經

解曰早還心願持誦寶經禮告天真請祈

福佑

第九十七

五男二女伊家慶殿宇蕭然我未安非吾貪

好人間景欲便凡民告與參

解曰聖意設化歡募民心便民祈告會者

獲吉

第九十八

人間箇箇要求兒休壞吾前寶殿兒你能粧

畫兒童喜他自爭來作你兒

解曰不可損玩寶殿小兒宜添塑造精巧

粧嚴引接小兒自有喜慶

第九十九

上天不負至誠人好事相逢自有因美女佳

兒俱可得管教從願稱人心

解曰至誠感應管稱人心

物五

子

大慈好生九天衛房聖母元君靈應寶籤

正一天師清微弟子 洪百聖 作 道教學術資訊網

洪恩靈濟真君靈籤

第一籤

龍韜豹略略奇謀 若遇明時即獻壽

世道風波多勇猛 好從靜處細沉浮

第二籤

吉夢先為兆吉祥 細尋稱意可參詳

生男不獲桑弧志 貴任須還再弄璋

第三籤

青帝權當正屆時 深紅淺綠蹀花枝

上林一夜西風起 天際行人知未知

第四籤

靈觸相傷萬事虛 彼仁禮義却還初

鄒陽繫獄沉消息 誰上緹縈女子書

第五籤

開步前途慢著鞭 奸將舟楫度平川

一輪明月今宵滿 萬里雲衢萬里天

第六籤

一派波流勢欲東 時人正在望洋中

西山犬吠聞風月 此去青雲有路通

第七籤

下

疴羸病證不堪醫 妙藥良方且慢施
過兔逢羊終獲吉 莫教喜事轉成悲

第八籤

中下

喪牛失馬不堪憂 世事何須較贅疣
若遇春初冬末後 佳人休向道傍謀

第九籤

下

薄雲殘霧未掃空 東西南北未亨通
人從生處且投下 一葉秋來鴈過鴻

第十籤

中

盈庭音耗不須多 亦有訛言莫信他
男子婚姻終獲吉 狐疑未判事能蹉

第十一籤

上吉

數行丹詔拆泥封 萬里青雲喜得隆
鸚鵡橫空消息好 山間林下莫留蹤

第十二籤

中下

寒谷陽回奪化工 閒花不用怨春風
凄涼外面傳消息 苴莖枝頭著意濃

第十三籤

中平

鹽肥蓴美忽思秋 萬頃波間可下鈞
機露鷗飛空著力 那堪明月滿歸舟

第十四籤

中上

我強彼弱植降旌 休向行人道不平
雨霽雲收猶未歇 春風才到便分明

第十五籤

下

測度何須問再三 冲天羽翼欲圖南
忽然消息相邀阻 事若成時又不堪

第十六籤

下

征夫一箇在天涯 虎在寅方望到家
目斷魂銷音信絕 梨花帶雨一枝斜

第十七籤

中下

朱雀當權屬丙方 不須來問子孫殃
風波靜處堪移步 蜂蟻傷人莫自傷

第十八籤

中

佳客龍門喜氣新 天衢附翼且攀鱗
等閒借問吹嗟路 免使微才數析薪

第十九籤

中

萬變枝頭不肯休 誓兄盟母結冤讎
好宜急解從前過 拜佛求神始免憂

第二十籤

吉

朱門桃李已成粧 雨露工夫何艷陽

一奏風雲彈刻到 休言衣錦早還鄉

第二十一籤

中

求財求利意何貪 莫信怡言未盡甘
務是富商皆利息 津津喜色在東南

第二十二籤

吉

車馬遊人任往來 閒花冷蘂苦相催
不蒙一點東風力 偷向牆頭半夜開

第二十三籤

下

非是難尋一片心 汗牛充棟莫追尋
因緣到底有明白 誰向林泉會賞音

第二十四籤

吉

崢嶸頭角在鷄群 無奈薰蕕未肯分
桂子傳香才有信 日邊姓字一朝聞

第二十五籤

下

上食槁壤下黃泉 雙鴈高飛兩處眠

第二十六籤

中

江水兩流人不見 世情險阻甚山川
情歡意合兩諧和 玉燭揚明薦瑞多
却喜門庭無盜跖 三星在戶夕如何

第二十七籤

下

命蹇身逃又值秋 鬼神暗裏却相謀
風前月下逢花酒 只恐歡娛變作憂

第二十八籤

中下

管見終難奪化機 天工巧處未堪爲
一場世事真棋局 東壁龍蛇任奮飛

第二十九籤

上中

涸魚賴尾仰清流 一線微生幾欲休
須待禹門三級浪 明珠不向暗中投

第三十籤

上

冷暖炎涼厭世人 畫蛇斷鶴送天真
却令門戶無淹滯 筆下春風奪化鈞

第三十一籤

上

憂憾何須問是非 但觀人事見天機
人從坎處多如意 一簇孤燈再燄輝

第三十二籤

下

崑山玉石未分明 瓦釜盆中聒耳鳴
小往大來時未泰 你將百計苦經營

第三十三籤

下

甘苦從前幾歷嘗 一生六度閱星霜
憂心似醉人間夢 役役經營底事忙

第三十四籤

下

天上人間幾合離 孤中獨立欲扶危
折支折足應難免 火自焚身尚不知

第三十五籤

中

俄然平地起風波 人事年來雜哄多
准擬鹽梅歸大手 均平五味一調和

第三十六籤

上中

隔阻音書信尚違 春回草木未光暉
西山日落留殘照 更有行人天外歸

第三十七籤

中

水滿舟移等片時 孤歸未判易生疑
行人有意待明月 相見何須問紫芝

第三十八籤

中下

舉頭一片黑雲生 天際求名未得名
須扣黃鍾方大響 好風吹送上蓬瀛

第三十九籤

中

江水西流欲問舟 等來功績幾時休
傍人相對傳消息 一箭雲頭看此秋

第四十籤

下

求財求利意貪多 西北風來問渡河

得價明珠姑少待 人生一夢到南柯

第四十一籤

下

一枝紅紫問芳菲 片片閒花逐水飛
鶯巢燕子寧無意 休向人間說是非

第四十二籤

中

菊老秋衰萬物殘 追尋舊恨與前歡
驪珠出海猶埋彩 直指東門且挂冠

第四十三籤

中下

入雲青鳥未飛還 信在虛無縹緲間
日落秦樓三萬里 白雲山外有青山

第四十四籤

中

一憂一喜兩相扶 萬事臨頭嘆欲圖
時日有如鷄翼卵 行看末路有亨衢

第四十五籤

中

鼎新革故遇陽來 天際行人獲貴財
回首移公纜咫尺 務緣徒自莫疑猜

第四十六籤

中

利名機會遇三生 萬里鵬程掌上平
牛馬殊途猶不及 命如坎處且逢行

第四十七籤

下

出岫濃雲未得閒 淹留何日見青山
一變一觸空相敵 惹得虛名在世間

第四十八籤 下

世態如兒不可論 事窮勢極有歸根
衣裳在笥先當慎 莫共神交與鬼言

第四十九籤 上吉

田家無歲不豐年 時變相將問老天
玉燭揚明魚吐夢 秋來得價利千千

第五十籤 上吉

江頭少立避風波 天意從人果若何
直待萬門春浪暖 乘槎一直到天河

第五十一籤 下

人情依舊不如新 五十年來又一旬
是事總由心上斷 道傍築舍不須論

第五十二籤 中下

孤燈剔盡未成眠 拭淚含情在目前
音信未逢人萬里 朝來忽見鶯聲傳

第五十三籤 上吉

時和歲稔世平明 此去鄉間傳泰亨
神喜人歡終獲吉 百年心事幾圓成

洪恩靈濟真君靈籤

正一天師清微弟子 洪百堅 製作

道教學術資訊網站

靈濟真君注生堂靈籤

納七

第一 上吉

夜來吉夢叶熊羆 嘉慶盈門立可期
孔子釋氏親抱送 定是天上麒麟兒

第二 中平

莫言弄瓦不堪誇 吉夢分明叶虺蛇
異日結縭應貴顯 沉香亭北一叢花

第三 中下

君家瓜瓞速綿綿 祚胤由來降自天
只恐臨盆生阻滯 更須作福保安然

第四 下下

風雨冥冥花倦開 開花未久點蒼苔
何須更佩宜男草 此事皆從前定來

第五 大吉

奕葉流芳世澤長 雙飛玉燕叶休祥
日來會聽嗶嗶泣 早掛桑弧射四方

第六 下

璋不純兮瓦不完 更堪平地走波瀾
若非早扣神明力 爭似孤舟渡險灘

第七 上上